



ԿԱԹՈՂԻԿՈՍԱԿԱՆ ՏԵՂԱՊԱՀԻ ԾՆՈՐՀԱՎՈՐԱԿԱՆ ԳԻՐԸ
ԱՄԱՆՈՐԻ ԵՎ ՍՈՒՐԲ ԾՆՆԴՅԱՆ ՏՈՆԵՐԻ ԱՌԹԻՎ՝
ՈՒՂՂՎԱԾ ՀԱՅԱՍՏԱՆՅԱՅՅ ԵԿԵՂԵՑՈՒ ՆՎԻՐԱՊԵՏԱԿԱՆ
ԵՐԵՔ ԱԹՈՌՆԵՐԻՆ, ԹԵՄԱԿԱԼ ԲՈԼՈՐ ԱՌԱՋՆՈՐԴՆԵՐԻՆ
ԵՎ ԵԿԵՂԵՑԱԿԱՆ ՀԱՄԱՅՆՔՆԵՐԻՆ

«Քրիստոս ծնաւ և յայտնեցաւ»:

Աստուծո ռդորմութեամբ և Ամենայն Հայոց հանգուցյալ Հայրապետին,
Տ. Տ. Վազգեն Ա. Կաթողիկոսի հիշատակը մեր սրտին, Մայր Աթոռ Սուրբ
Էջմիածնէն Ձեզ և Ձեր համայնքներուն բերում ենք ավետիսը մեր Տիրոջ՝
Հիսուսի Քրիստոսի հրաշափառ Ծննդյան, Մեր սրտագին մաղթանքներով
հանդերձ:

Սուրբ Ծննդյան կենարար շնորհները թող առատապէս բաշխվին Ձերդ
Սրբության, սուրբ Աթոռիդ ուխտապահ միաբանության հոգևոր սպասավոր-
ներուն և եկեղեցանվեր անդամներուն և համայն հավատացյալ ժողովրդյան,
ի շինություն և ի լուսավորումն անոնց հոգևոր ու համայնքային կյանքին:

Սուրբ Ծննդյան ավետիսով ընդունեցէք Մեր սիրո ռդջույնը և մաղ-
թանքը, որ Տիրոջ օրհնությամբ շարունակէք Ձեր հոգևոր առաքելությունը
մեր Մայր Եկեղեցիի անդաստանի մէջ՝ միշտ Սուրբ Հոգիով ներշնչված:

Եղբայրական սիրով ի Քրիստոս,
Աղոթակից՝

ԹՈՐԳՈՄ ԱՐՔԵՊԻՍԿՈՊՈՍ ՄԱՆՈՒԿՅԱՆ
ԿԱԹՈՂԻԿՈՍԱԿԱՆ ՏԵՂԱՊԱՀ

Ս. Էջմիածին

*
* *
*

Ամանորի և Սուրբ Ծննդյան տոների առթիվ Կաթողիկոսական Տեղապահի անունով ստացվեցին ամենաշերմ և հարգալից զգացմունքներով զեղուն բազմաթիվ շնորհավորական հեռագրեր և նամակներ մեր նվիրապետական երեք Աթոռների գահակալներից, արտասահմանի և ներքին բոլոր թեմերի առաջնորդներից, ազգային-եկեղեցական, մշակութային, հայրենակցական, տիկնանց, օրիորդաց և երիտասարդաց զանազան կազմակերպություններից, հայ և օտար պաշտոնական անձնավորություններից:

Հանուն Կաթողիկոսական Տեղապահի ջերմ շնորհակալություն ենք հայտնում ստացված պատասխան շնորհավորականների համար:



55-406